



Sakspapir

Sakshandsamar	Arkiv	ArkivsakID
Dagrun Gunnarson	FE-440	20/234

Saksnr	Utval	Type	Dato
005/20	Arbeidsmiljøutvalet	PS	02.06.2020

Gjennomgang av avviksmeldingar på arbeidsmiljø i perioden 011119-300420

Vedlegg:

Rapport avviksmeldingar som gjeld arbeidsmiljø 011119-300420

Saksutgreiing:

Bakgrunn

Avvik er uønska hendingar. Fedje kommune har ei rutine for avviksregistrering vedteke 18.11.2011 og revidert i 2016 og 2019. Som ein del av oppfølginga skal AMU handsame innsamla statistikk over avviksmeldingar i Fedje kommune. Arbeidsmiljøutvalet kan be om å få meir informasjon og handsame enkeltavvik.

I tråd med rutina skal avvika rapporterst til AMU på risikotal som gjeld tilsette/arbeidsmiljø (i motsetning til det som gjeld brukarar/teneste). Det er på plass frå 01.01.19.

Sjå vedlagte oversikt over avviksmeldingar i perioden.

Vurdering

Det er svært ulikt kor aktivt einingane nyttar avviksmeldingar, og om dei systematisk vert lagt inn i websak og svart på skriftleg.

Dei tilsette melder om mykje forskjellig, også ting som det ikkje er openbart at er avvik verken etter arbeidsmiljølov/forskrifter eller tenesterutinar. Men det har vore eit uttalt ønske frå Fedje kommune å ha låg «terskel» for å melde avvik – fordi for få meldingar er verre enn for mange.

Den vedlagte rapporten tek utgangspunkt i den klassifisering som melder og nærmaste leiar har gjort av avviket – både i forhold til om det gjeld teneste (som ikkje skal til AMU) eller arbeidsmiljø, og vurderinga av konsekvens og kor sannsynleg det er at det vil skje igjen.

Me har framleis litt arbeid att før me kan seie oss godt nøgde med korleis avvikssystemet verkar i Fedje kommune. Me ser at nokre einingar nyttar det svært aktivt, som pleie og omsorg. Ein av områda me kan forbetre oss på, er rapportering på avvik og lukking knytt til teneste/brukarar til rådmannen. Rådmannen vurderer no innkjøp av elektronisk kvalitets- og avviksmeldingssystem.

Dette siste halvåret har ein situasjon ført til fleire alvorlege hendingar i pleie og omsorg, der avvika enno ikkje er lukka. Dette er ein pågåande situasjon, der ein har forsøkt ulike tiltak utan å lukkast heilt enno. Ein har difor ikkje kunne lukka avvika.

Konklusjon

Avviksrapporten viser ingen alvorleg svikt i arbeidsmiljøet i perioden november 2019 – april 2020. Ein



Fedje kommune

situasjon i pleie og omsorg er framleis ikkje ferdig handtert, men det vert jobba kontinuerleg med å prøve ut tiltak.

Forslag til vedtak:

Arbeidsmiljøutvalet tek oversikt over avviksmeldingar frå november 2019 t.o.m. april 2020 til orientering.

Arbeidsmiljøutvalet - 005/20

AMU - behandling:

AMU - vedtak:

Arbeidsmiljøutvalet tek oversikt over avviksmeldingar frå november 2019 t.o.m. april 2020 til orientering.

Samrøystes vedteke